

Облыстық бюджеттердің, Астана және Алматы қалалары бюджеттерінің 2018 жылға арналған республикалық бюджеттен тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертерді пайдалану қағидаларын бекіту туралы

Қазақстан Республикасы Үкіметінің 2018 жылғы 26 наурыздағы № 136 қаулысы.

Р Қ А О - н ы ң

ескертпесі!

Колданысқа енгізілу тәртібін 4-тармақтан қараңыз.

"2018 – 2020 жылдарға арналған республикалық бюджет туралы" 2017 жылғы 30 қарашадағы Қазақстан Республикасы Заңының 13-бабының 16) тармақшасына сәйкес Қазақстан Республикасының Үкіметі ҚАУЛЫ ЕТЕДІ:

1. Қоса беріліп отырған Облыстық бюджеттердің, Астана және Алматы қалалары бюджеттерінің 2018 жылға арналған республикалық бюджеттен тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертерді пайдалану қағидалары бекітілсін.

2. Облыстардың Астана және Алматы қалаларының әкімдері:

1) бөлінген ағымдағы нысаналы трансфертердің уақтылы және мақсатты пайдаланылуын;

2) Қазақстан Республикасының Білім және ғылым министрлігіне тоқсан сайын есепті кезеңден кейінгі айдың бесі күніне дейін бөлінген ағымдағы нысаналы трансфертердің пайдаланылуы туралы есеп беруді қамтамасыз етсін.

3. Қазақстан Республикасының Білім және ғылым министрлігі:

1) заңнамада белгіленген тәртіппен облыстық бюджеттерге, Астана және Алматы қалаларының бюджеттеріне бекітілген ағымдағы нысаналы трансфертердің сомаларын аударуды;

2) облыстық бюджеттердің, Астана және Алматы қалалары бюджеттерінің республикалық бюджеттен берілген ағымдағы нысаналы трансфертерді пайдалану мониторингін қамтамасыз етсін.

4. Осы қаулы 2018 жылғы 1 қаңтардан бастап қолданысқа енгізіледі және ресми жариялануға тиіс.

Қазақстан Республикасының
Премьер-Министри

Б.Сагынтаев

Қазақстан Республикасы
Үкіметінің
2018 жылғы 26 наурыздағы

Облыстық бюджеттердің, Астана және Алматы қалалары бюджеттерінің 2018 жылға арналған республикалық бюджеттен тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертерді пайдалану қағидалары

1-тaraу. Жалпы ережелер

1. Осы Облыстық бюджеттердің, Астана және Алматы қалалары бюджеттерінің 2018 жылға арналған республикалық бюджеттен тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертерді пайдалану қағидалары (бұдан әрі – Қағидалар) "2018 – 2020 жылдарға арналған республикалық бюджет туралы" 2017 жылғы 30 қарашадағы Қазақстан Республикасы Заңының 13-бабының 16) тармақшасына сәйкес әзірленді және облыстық бюджеттердің, Астана және Алматы қалалары бюджеттерінің 2018 жылға арналған республикалық бюджеттен тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертерді (бұдан әрі – нысаналы трансфертер) пайдалану тәртібін айқындайды.

2. Нысаналы трансфертер облыстық бюджеттерге, Астана және Алматы қалаларының бюджеттеріне республикалық бюджеттен 099 "Сапалы мектеп біліміне қолжетімділікті қамтамасыз ету" бюджеттік бағдарламасы, 117 "Облыстық бюджеттерге, Астана және Алматы қалаларының бюджеттеріне тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертер" кіші бағдарламасы бойынша бөлінеді.

3. Осы Қағидаларда мынадай ұғымдар пайдаланылады:

1) республикалық бюджеттік бағдарлама әкімшісі – білім беру саласындағы уәкілетті орган;

2) облыстардың, Астана және Алматы қалаларының жергілікті атқарушы органдары – облыстың, республикалық маңызы бар қаланың және астананың әкімі басқаратын, өз құзыреті шегінде тиісті аумақта жергілікті мемлекеттік басқаруды және өзін-өзі басқаруды жүзеге асыратын алқалы атқарушы органдар;

3) тілдік курстар бойынша тағылымдамадан өткен мұғалімдерге қосымша ақы – физика, химия, биология, информатика пәндері бойынша ағылшын тілінде негізгі және жалпы орта білім беретін оқу бағдарламаларын іске асыратын білім беру ұйымдарының мұғалімдеріне төленетін қосымша ақы;

4. Нысаналы трансфертер тілдік курстар бойынша тағылымдамадан өткен мұғалімдерге қосымша ақы төлеу үшін пайдаланылады.

2-тaraу. Облыстық бюджеттердің, Астана және Алматы қалалары бюджеттерінің тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертерді пайдалану тәртібі

5. Нысаналы трансфертер тілдік курстар бойынша тағылымдамадан өткен мемлекеттік орта білім беру үйимдарының мұғалімдеріне Қазақстан Республикасының қолданыстағы заңнамасына сәйкес белгіленген мөлшердегі жұмыс берушінің жарналарын (әлеуметтік салық, Мемлекеттік әлеуметтік сақтандыру қорына, әлеуметтік медициналық сақтандыру қорына әлеуметтік аударымдар) ескере отырып, қосымша ақы төлеуге пайдаланылады. Қосымша ақыны есептеу 2018 жылғы 1 қантардан бастап жүргізіледі.

6. Респубикалық және жергілікті бюджеттік бағдарламалар әкімшілерінің нысаналы трансфертерді төмен тұрған бюджеттерге аударуы бюджет заңнамасына сәйкес жүзеге асырылады.

7. Қаржы жылдының қорытындылары бойынша пайдаланылмаған (толық пайдаланылмаған) респубикалық бюджеттен бөлінген тілдік курстар бойынша тағылымдамадан өткен мұғалімдерге қосымша ақы төлеуге берілетін ағымдағы нысаналы трансфертер сомалары келесі қаржы жылдының 1 наурызына дейін жоғары тұрған бюджетке қайтаруға жатады.

8. Облыстардың, Астана және Алматы қалаларының жергілікті атқарушы органдары:

1) жеке қаржыландыру жоспарларына және осы Қағидаларға сәйкес респубикалық бюджеттен берілетін ағымдағы нысаналы трансфертердің сомаларын нысаналы мақсаты бойынша пайдаланады;

2) білім беру саласындағы орталық уәкілетті органға облыстық бюджеттердің, Астана және Алматы қалалары бюджеттерінің тілдік курстар бойынша тағылымдамадан өткен мұғалімдерге қосымша ақы төлеуге респубикалық бюджеттен берілетін нысаналы трансфертерді пайдалану турагын есеп береді.